

PRESTASI PERDAGANGAN MALAYSIA, APRIL 2022

Jumlah perdagangan Malaysia mengekalkan momentum pertumbuhan pada April 2022, berkembang 21.3 peratus, mencecah RM213.4 bilion berbanding RM190.8 bilion pada tahun sebelumnya. Eksport meningkat 20.7 peratus kepada RM127.5 bilion pada April 2022. Import bernilai RM103.9 bilion meningkat 22.0 peratus tahun ke tahun. Imbangan dagangan terus mencatat lebihan, dengan nilai RM23.5 bilion, meningkat 15.7 peratus daripada tahun sebelumnya.

Berbanding Mac 2022, eksport, import, jumlah dagangan dan imbangan dagangan masing-masing menurun 3.1 peratus, 0.9 peratus, 2.1 peratus dan 11.6 peratus.

Bagi tempoh Januari hingga April 2022, prestasi jumlah dagangan, eksport, import dan lebihan dagangan mengekalkan pertumbuhan kukuh dua digit. Jumlah dagangan meningkat 22.9 peratus, disokong oleh peningkatan eksport (+21.8%) dan import (+24.3%) manakala lebihan dagangan meningkat 12.1 peratus.


A. EKSPORT

Eksport Mengekalkan Pertumbuhan Dua Digit, Meningkat 20.7 peratus pada April 2022


1. Prestasi Eksport

Eksport Malaysia mencatatkan RM127.5 bilion, meningkat 20.7 peratus berbanding April 2021. Peningkatan ini didorong oleh kedua-dua eksport domestik dan eksport semula. Eksport domestik berjumlah RM103.4 bilion menyumbang 81.1 peratus kepada jumlah eksport, meningkat 21.7 peratus. Di samping itu, eksport semula bernilai RM24.1 bilion, meningkat 16.8 peratus tahun ke tahun. Sementara itu, perbandingan secara bulanan, eksport menyusut 3.1 peratus atau RM4.1 bilion. Analisis terma pelarasan musim bulan ke bulan, eksport menyusut 2.8 peratus atau RM3.5 bilion kepada RM124.0 bilion.

Carta 1 Eksport Domestik, Eksport Semula (RM bilion) dan Perubahan Tahunan (%)



Carta 2 Nilai Eksport Asal dan Nilai Eksport Pelarasan Musim, RM bilion



2. Prestasi Eksport mengikut Negara Destinasi Utama


China dan Singapura adalah negara destinasi utama pada April 2022 dengan jumlah sumbangan 26.9 peratus kepada jumlah eksport Malaysia.

Eksport ke China berjumlah RM17.4 bilion, mewakili 13.6 peratus daripada jumlah eksport, mencatatkan peningkatan 12.4 peratus atau RM1.9 bilion tahun ke tahun. Peningkatan ini didorong oleh eksport yang lebih tinggi barangan elektrik & elektronik (+RM1.3 bilion, +28.4%) dan bijih logam & serpihan logam (+RM465.3 juta, +125.3%).

Singapura merupakan negara destinasi kedua tertinggi pada April 2022 dengan jumlah RM17.0 bilion dan menyumbang 13.3 peratus kepada jumlah eksport Malaysia, meningkat 9.1 peratus atau RM1.4 bilion tahun ke tahun. Peningkatan ini dipacu oleh eksport yang lebih tinggi barangan elektrik & elektronik (+RM1.8 bilion, +23.6%) dan jentera, peralatan & kelengkapan (+RM288.4 juta, +28.1%).

Daripada sepuluh negara destinasi utama, perubahan tahunan untuk sembilan negara menunjukkan pertumbuhan dua digit.

Carta 3 Perubahan Tahunan Eksport mengikut Negara Utama, April 2021 dan April 2022




3. Eksport ke Negara-negara ASEAN

Eksport ke negara ASEAN yang meliputi 27.3 peratus daripada jumlah eksport Malaysia mencatatkan nilai RM34.8 bilion dengan pertumbuhan 14.2 peratus. Kenaikan ini disumbangkan terutamanya oleh barangan elektrik & elektronik yang meningkat 22.2 peratus atau RM2.5 bilion, diikuti kimia & bahan kimia (+RM729.2 juta, +32.8%); produk besi & keluli (+RM536.4 juta, +92.7%); peroleum mentah (+RM440.5 juta, +56.8%); jentera, peralatan & kelengkapan (+RM257.2 juta, +13.2%) dan bijih logam & serpihan logam (+RM198.5 juta, +219.3%).

Singapura menyumbang 48.7 peratus kepada keseluruhan eksport negara ASEAN dengan RM17.0 bilion, berkembang 9.1 peratus berbanding tahun sebelumnya.

Carta 4 Pembahagian Peratusan Eksport, April 2022



4. Prestasi Eksport mengikut Sektor Ekonomi

Eksport barangan perkilangan meningkat 17.2 peratus atau RM15.8 bilion pada April 2022 dan meliputi 84.2 peratus daripada jumlah eksport. Barangan elektrik & elektronik merupakan penyumbang utama kepada pertumbuhan (+RM10.0 bilion, +27.0%), diikuti barangan perkilangan logam (+RM2.5 bilion, +52.6%); kimia & bahan kimia (+RM1.8 bilion, +33.1%) dan barangan perkilangan berasaskan minyak kelapa sawit (+RM1.8 bilion, +72.9%).

Eksport keluaran pertanian mencatatkan pertumbuhan 29.9 peratus atau RM2.3 bilion menyumbang 8.0 peratus pada April 2022. Peningkatan ini sejajar dengan kenaikan yang tinggi dalam eksport minyak kelapa sawit & hasil pertanian berasaskan minyak kelapa sawit, meningkat 35.0 peratus daripada RM5.9 bilion kepada RM8.0 bilion. Selain itu, prestasi ini turut dirangsang oleh getah asli (+RM62.6 juta, +16.2%); kayu gergaji & kayu kumai (+RM41.1 juta, +11.9%) dan makanan laut, segar, sejuk atau beku (+RM29.7 juta, +16.2%).

Sementara itu, eksport hasil perlombongan yang mewakili 7.3 peratus daripada jumlah eksport mencatatkan pertumbuhan 64.6 peratus kepada RM9.3 bilion. Ia didorong oleh eksport yang lebih tinggi gas asli cecair (+RM1.7 bilion, +60.9%); petroleum mentah (+RM1.1 bilion, +64.5%) dan bijih logam & serpihan logam (+RM756.6 juta, +150.4%).

Paparan 1 Eksport mengikut Sektor, April 2021 dan April 2022



5. Eksport mengikut Produk Utama Terpilih

Peningkatan prestasi eksport pada April 2022 dipengaruhi oleh kenaikan dalam produk berikut:

- Barangan elektrik & elektronik (36.9% daripada jumlah eksport), berkembang 27.0 peratus (+RM10.0 bilion) kepada RM47.1 bilion;
- Minyak kelapa sawit & hasil keluaran berasaskan minyak kelapa sawit (9.6% daripada jumlah eksport) meningkat RM3.9 bilion (+46.0%) kepada RM12.2 bilion. Eksport minyak sawit, komoditi utama dalam kumpulan produk ini meningkat RM1.8 bilion atau 35.3 peratus seiring dengan kenaikan nilai purata seunit (+49.9%). Sebaliknya, volum eksport jatuh 9.7 peratus;
- Gas asli cecair, mencakupi 3.6 peratus daripada jumlah eksport, meningkat RM1.7 bilion atau 60.9 peratus selaras dengan pertumbuhan nilai purata seunit (+70.5%), manakala volum eksport menunjukkan penurunan (-5.6%);
- Petroleum mentah, meliputi 2.2 peratus daripada jumlah eksport, naik RM1.1 bilion atau 64.5 peratus kepada RM2.8 bilion seiring dengan peningkatan nilai purata seunit (+71.4%). Sementara itu, volum eksport mencatatkan pertumbuhan negatif 4.0 peratus;
- Kayu & hasil keluaran kayu yang menyumbang 2.0 peratus kepada jumlah eksport meningkat 14.6 peratus atau RM327.1 juta kepada RM2.6 bilion; dan
- Getah asli (0.4% daripada jumlah eksport) berkembang RM62.6 juta atau 16.2 peratus selari dengan peningkatan dalam nilai purata seunit (+10.1%) dan volum eksport (+5.5%).

Walau bagaimanapun, keluaran petroleum bertapis, yang meliputi 6.5 peratus daripada jumlah eksport, jatuh RM550.4 juta atau 6.3 peratus kepada RM8.2 bilion selari dengan penurunan volum eksport (-47.5%). Walau bagaimanapun, nilai purata seunit meningkat (+78.5%).

Paparan 2 Eksport mengikut Produk Utama Terpilih, April 2021 dan April 2022

Sumbangan	 36.9%	 9.6%	 6.5%	 3.6%	 2.0%	 2.2%	 0.4%
	Barangan Elektrik & Elektronik	Minyak Kelapa Sawit & Hasil Keluaran Berasaskan Minyak Kelapa Sawit	Keluaran Petroleum Bertapis	Gas Asli Cecair	Kayu dan Hasil Keluaran Kayu	Petroleum Mentah	Getah Asli
	RM bilion	RM bilion	RM bilion	RM bilion	RM bilion	RM bilion	RM bilion
April 2022	47.1	12.2	8.2	4.5	2.6	2.8	0.4
	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)
April 2022	+27.0	+46.0	-6.3	+60.9	+14.6	+64.5	+16.2
April 2021	37.0	8.4	8.8	2.8	2.2	1.7	0.4
	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)
April 2021	+43.0	+65.7	+77.1	-5.1	+146.0	+37.0	+58.6

B. IMPORT


Import terus meningkat 22.0 peratus kepada RM103.9 bilion pada April 2022

1. Prestasi Import


Nilai import Malaysia pada April 2022 mencecah RM103.9 bilion terus mencatatkan pertumbuhan 22.0 peratus atau RM18.7 bilion. Berdasarkan bulan ke bulan, import menurun 0.9 peratus atau RM964.4 juta. Berdasarkan analisis terma pelarasan musim bulan ke bulan, import menurun 3.3 peratus kepada RM101.6 bilion.

Berdasarkan tahun ke tahun, import mengikut penggunaan akhir mencatat peningkatan positif dengan kenaikan barangan perantara (+28.1%) dan barangan penggunaan (+9.7%). Walau bagaimanapun, barangan modal menurun 2.4 peratus.

Carta 5 Import, Nilai (RM bilion) dan Perubahan Tahunan (%)



Carta 6 Nilai Import Asal dan Nilai Import Pelarasan Musim, RM bilion



2. Prestasi Import mengikut Negara Asal Utama


China dan Singapura kekal sebagai dua negara asal utama bagi import Malaysia pada April 2022, dengan jumlah sumbangan 30.8 peratus kepada jumlah import.

Import dari China yang mewakili 21.0 peratus daripada import Malaysia, berkembang 8.3 peratus untuk mencecah RM21.9 bilion. Pertumbuhan ini dirangsang oleh barangan elektrik & elektronik yang meningkat 31.3 peratus atau RM2.2 bilion, kimia & bahan kimia (+RM675.9 juta, +39.6%) dan jentera, kelengkapan & peralatan (+RM136.2 juta, +6.6%).

Import dari Singapura bernilai RM10.2 bilion, menyumbang 9.8 peratus kepada import Malaysia, meningkat 21.0 peratus atau RM1.8 bilion tahun ke tahun. Pertumbuhan ini disebabkan oleh import yang lebih tinggi bagi barangan elektrik & elektronik (+RM1.3 bilion, +60.4%) dan keluaran petroleum (+RM486.2 juta, +18.4%).

Perubahan tahunan import bagi lapan negara asal utama mencatatkan pertumbuhan dua digit. Selain itu, China dan Jepun turut merekodkan peningkatan dengan perubahan kecil.

Carta 7 Perubahan Tahunan Import mengikut Negara Asal Utama, April 2021 dan April 2022




3. Import dari Negara-negara ASEAN

Import dari negara ASEAN terus meningkat dengan pertumbuhan dua digit 32.7 peratus pada April 2022 kepada RM25.6 bilion. Ia meliputi 24.7 peratus daripada import Malaysia. Pertumbuhan ini disumbangkan terutamanya oleh barangan elektrik & elektronik (+RM1.8 bilion, +43.3%); barangan perkilangan berasaskan minyak kelapa sawit (+RM533.0 juta, +153.5%); kimia & bahan kimia (+RM456.4 juta, +29.6%) dan jentera, kelengkapan & peralatan (+RM296.1 juta, +31.2%).

Di antara negara asal utama ASEAN, 39.8 peratus import Malaysia adalah dari Singapura, berkembang 21.0 peratus atau RM1.8 bilion berbanding tahun sebelumnya.

Carta 8 Pembahagian Sumbangan Import, April 2022



4. Prestasi Import mengikut Sektor Ekonomi


Pengembangan import disebabkan oleh import yang lebih tinggi bagi semua sektor utama pada April 2022.

Barangan perkilangan yang merangkumi 81.3 peratus daripada jumlah import, meningkat 17.2 peratus daripada RM72.1 bilion kepada RM84.5 bilion tahun ke tahun. Prestasi ini disokong oleh import yang tinggi barangan elektrik & elektronik (+RM7.2 bilion, +29.2%); kimia & bahan kimia (+RM1.8 bilion, +22.3%); barangan perkilangan logam (+RM1.1 bilion, +24.1%) dan jentera, kelengkapan & peralatan (+RM837.9 juta, +14.2%).

Import hasil perlombongan berjumlah RM11.6 bilion, meningkat 121.0 peratus berbanding tahun sebelumnya dan seterusnya mencakupi 11.2 peratus daripada import Malaysia. Peningkatan ini disokong oleh import petroleum mentah (+RM2.9 bilion, +123.6%) dan bijih logam & serpihan logam (+RM1.7 bilion, +156.3%).

Import keluaran pertanian (5.9% daripada jumlah import) berkembang 16.8 peratus atau RM889.7 juta tahun ke tahun kepada RM6.2 bilion, dipacu oleh peningkatan import minyak sayuran lain (+RM355.5 juta, +130.7%); daging & binatang hidup (+RM186.8 juta, +46.3%) dan minyak kelapa sawit & hasil pertanian berasaskan minyak kelapa sawit (+RM165.1 juta, +22.2%).

Paparan 3 Import mengikut Sektor, April 2021 dan April 2022



5. Import mengikut Klasifikasi Penggunaan Akhir & Kategori Ekonomi Umum (BEC)

Jumlah import pada April 2022 bernilai RM103.9 bilion, meningkat 22.0 peratus tahun ke tahun. Tiga kategori utama import mengikut Penggunaan Akhir yang merangkumi 74.0 peratus daripada jumlah import adalah:

Barangan perantaraan, bernilai RM59.6 bilion atau 57.3 peratus daripada jumlah import, meningkat 28.1 peratus disebabkan oleh kenaikan import alat ganti & aksesori barangan modal (kecuali peralatan pengangkutan) (+RM5.3 bilion, +42.1%); bahan api & pelincir, utama (+RM4.0 bilion, +120.7%); bekalan industri, diproses (+RM2.0 bilion, +9.8%); bekalan industri, utama (+RM782.2 juta, +23.9%) dan alat ganti & aksesori untuk alat kelengkapan pengangkutan (+RM458.7 juta, +18.8%);

Barangan penggunaan, berjumlah RM8.3 bilion (8.0% daripada jumlah import), mencatatkan kenaikan 9.7 peratus, disebabkan oleh import yang lebih tinggi barangan tidak tahan lama (+RM344.8 juta, +20.0%); makanan & minuman, diproses, khusus untuk penggunaan isi rumah (+RM337.4 juta, +15.3%) dan barangan separa tahan lama (+RM136.0 juta, +11.8%); dan

Barangan modal, berjumlah RM9.1 bilion (8.8% daripada jumlah import) menurun 2.4 peratus. Import barangan modal (kecuali peralatan pengangkutan), jatuh 3.6 peratus atau RM313.0 juta.

C. EKSPORT DAN IMPORT MENGIKUT LOKASI

Eksport pada bulan April 2022 meningkat sebanyak RM21.9 bilion (+20.7%) berbanding tahun sebelumnya. Eksport lebih tinggi direkodkan bagi kebanyakan negeri iaitu Pulau Pinang (+RM9.0 bilion), Selangor (+RM3.7 bilion), Sarawak (+RM3.4 bilion), W.P. Kuala Lumpur (+RM1.7 bilion), Sabah (+RM1.6 bilion), Johor (+RM1.6 bilion), Kedah (+RM1.3 bilion), Pahang (+RM518.0 juta), W.P. Labuan (+RM456.0 juta), Kelantan (+RM132.5 juta) dan Perlis (+RM15.1 juta). Walau bagaimanapun, eksport menyusut di Melaka (-RM631.4 juta), Terengganu (-RM349.2 juta), Negeri Sembilan (-RM324.0 juta) dan Perak (-RM280.1 juta).

Pada masa yang sama, import juga meningkat RM18.7 billion (+22.0%) berbanding tahun sebelumnya. Peningkatan import dicatatkan di Pulau Pinang (+RM5.4 bilion), Selangor (+RM3.0 bilion), Melaka (+RM2.2 bilion), Kedah (+RM1.7 bilion), Johor (+RM1.5 bilion), W.P. Kuala Lumpur (+RM1.4 bilion), Sarawak (+RM902.4 juta), Perak (+RM826.1 juta), Negeri Sembilan (+RM674.0 juta), Pahang (+RM527.4 juta), W.P. Labuan (+RM179.2 juta) dan Perlis (+RM12.9 juta). Walau bagaimanapun, import menurun di Kelantan (-RM170.7 juta), Sabah (-RM102.0 juta) dan Terengganu (-RM38.6 juta).

Antara lima negeri pengeksporth utama, Pulau Pinang kekal sebagai pengeksporth utama dengan sumbangan 29.3 peratus, diikuti oleh Johor (20.0%), Selangor (19.5%), Sarawak (8.1%) dan W.P. Kuala Lumpur (4.3%). Sementara itu, bagi import, Selangor kekal sebagai penyumbang utama dengan 25.6 peratus, diikuti oleh Pulau Pinang (23.4%), Johor (18.3%), W.P. Kuala Lumpur (7.3%) dan Kedah (5.7%).